

UNIVERSITY OF ILLINOIS

# Jahresbericht

über das

## Königl. Progymnasium in Pt. Crone

vom

Herbst 1850 bis zum Herbst 1851,

womit

zu der am 2ten August abzuhaltenen

## öffentlichen Prüfung der Schüler

ergebenst einladet

**Franz Heinrich Malkowsky,**

Director.

---

Inhalt: I. De poesis natura et partitione. II De origine vocis Edepol, von dem wissenschaftlichen  
Hülfslehrer Peter Weierstraß; und Schulnachrichten vom Director.

---

Deutsch-Crone,

gedruckt bei P. G a r m s.

1879

1879

1879

1879

I.

De poesis natura et partitione.

**M**ulta est doctorum hominum in poesi et definienda et partienda dissensio. Quibus interdum accidit, ut, dum principiis propositis singula dinumerant vel aestimant, modo genera non expleant, modo in iudicio male haesitent aut in diversas partes abripiantur. Discedunt primam in principiis. A plerisque ad sensuum voluptatem suavitatemque omnis poesis origo revocatur; unde fit, ut in poetis illud maxime observent amentque, quod sit pulchritudinis specie conformatum animamque aut imaginum coloribus aut sententiarum venustate alliciat. Hi quidem arti plurimum tribuunt et censoria sua potestate maxime gaudent.

Alii autem, recte quidem majus quoddam animo complexi, abditioem poesis fontem investigaverunt eamque omnem ad reconditas rationis perfectae regiones retulerunt, multa de speciebus rerum subobscura locuti. Qui utrique, quae est pars sive gradus poesis, eam divulgata bene quidem perspexere nec non explicant, sed ab universi generis agnitione, natura, vi pariter distant.

Denique quaedam alia poesis ratio vel pravitas in transitu attingenda est, cujus principia, quominus apud doctos sapientesque eorum mentio movetur, eo magis apud aequales gratia valent atque coluntur. Sunt enim perinulti poetae, a quibus quidquid est vehementer, temere, licenter, lascive, impie, sed mira quadam sententiarum novitate cum verborum splendore editum, perplacet atque ~~\_\_\_\_\_~~ Hos nescio an illa humanae mentis affectio, quae, quum solita, vera, simplicita satietatem facile moveant, in partem contrariam abducitur (veluti narrator festivus in fabulatorem mendacem atque odiosum saepe depravatur), eo adduxerit, ut ipsi versibus, imaginibus, sententiarum et rerum specie poetae tamen omnem prorsus poesim tollerent, quum universae hujus materiae detractae commenta, falsa, vana supposuissent, non tamen sine illis animi ingeniique celeribus motibus, qui essent ad excogitandum acuti uberesque ad ornandum et distinguendum.

aridit

Sed neque ista poesis est, neque eorum audienda sunt iudicia, qui illud solum — nescio quod dicam — populare, humile, rude atque rusticum miro quodam amore amplexi cetera, quae sint politiora, fere a Parnasso excludunt. Sinamus his bonis viris undique collecta temporum antiquissimorum carmina, qualia in silvis Aboriginum increpuere, vel inter bonum mugitus in montibus horrida sonant, vel in agris, triviis atque tabernis audiuntur, si quidem iis delectantur, qua de re disputari jam nullo modo potest.

Mihi vero poesis origo videtur esse ad universitatem mentis humanae referenda, ita ut, quodcumque suo in genere poeticon est, e vera, simplici, integra humanitate fuerit profectum.

Tripartita autem ratio est humanae mentis, cognoscendi, sentiendi, appetendi; sive intelligentia, affectionis varietas, tertiumque illud, quum celerius moventur animi, sive cupidinationes, sive voluptates, sive dolores. Unde existunt primum eorum humanae scientia, sapientia, aequitas, cunctis, verique intellectus; sunt altera illa lascitia et amor, studium et ira, amor et odium, decori honestique, tum venustatis atque sublimitatis iudicium, nec non aequitas, pudor, pietas, religio; denique animi tum cupidines et perturbationes, tum vis roburque agendi et expetendi.

Jam poesis, et veterum doctrina, est imitatio, quae quidem illi definitionem fere ad dramaticum, epicumque genus retulit, idem Aristoteli licuit dicere: *Οὐδὲν δὲ καλὸν ἐστὶ τὸ Ὀμηρὸν καὶ τὸ Ἐπιχόμητον πληρὸν τῶ μέτρον*. Sed haec latius patet, nisi eam vis rerum gestarum, actionum, morum tantum spectantem, sive imitari, non enim haec sola, qui sunt effectus et quasi finis motuum animi, complectitur, sed, quum horum inter se pugna, origo, mutatio, inius, atque labores eam solent afficere, quae in poematis percipiendis afficiunt, delectationem, ceterae quoque partes animi, quarum motus quasi foras non prodeunt et oculis non conspiciuntur, pari jure poematum ingenio atque subjectae fuerunt.

Rectius, quam Germani, poesis Graeci nomen impulerunt: *ποίησις*, quae vox de *ποίησις* flexa ita intelligenda est, ut priusquam in generalis faciendi notionem dilatata esset, significaret, materiae cuidam certam, circumscriptam, propriam formam induere. Sic nos invenimus simplicem artem, Graeci autem compositionis atque constitutionis laudem poetis attribuerunt, utrique a narratione fabularum, quae fuere carminum initia, nomina ducentes; sed Graecorum poetae lepici intra populi memoriam sunt versati, Germanorum res gestas heroasque aliunde magnam partem repetiverunt, ut eorum carmina ficti et inventi speciem prae se ferrent.

Imitatio poetica, si quidem universam mentis humanae vim complectitur, aliena est primum a factionibus animorum, si ita dici licet, sive erunt civiles, sive litteratae; nam, quidquid extra humanitatem illam communem est, quum poeta ipse aut ordinibus

nostris temere relictis solus errat aut miro quodam conatu altius, quam conspici possit, evolavit, ab eo mens sana, sincera, simplex usque abhorrebit, neque illud suum agnoscet, neque ullo modo eo movebitur. Credo ego fore, quamquam haec sententia nimis insolens, dura, paene agrestis videtur, ut ne illius quidem, quem nostrates summum nostrae gentis poetam renunciaverunt, fama ad infinitam posteritatem sit ventura; si quidem summa poetae cujusdam laus iis potissimum operibus continetur, quae et ipse et aequales nobilissima ingenii sui monumenta existimaverunt.

Nam vera et integra illa, cujus speciem inchoavimus, poesis non extra communem sensum cadit neque singulorum hominum quasi privatas opiniones aut unius animi singulares affectus, perturbationes, aegritudines — ineptas interdum — exprimit (quo quidem vitio recentiores poetae plerumque ita tenentur impliciti, ut eorum carmina, nisi ipsorum vitam, necessitudines privatas, educationis rationem, opinionum judiciorumque primordia, fugas, pignas accurate noveris servatoque temporis ordine persecutus eris, vix possis intelligere), — sed universae humanae naturae vim et effectum, quo quidem pacto in singulis existit, ostendit atque varietate colorum depingit. —

Quae humanitas quum jam sit carminum materia constituta, ea quoque videntur esse tollenda, quae vita animaque prorsus carent. At veteres poetae, quoad Musae integræ florebant, montium, arborum, pratorum, florum descriptiones aliter, atque ornandi distinguendique causa carminibus inseruerunt?

At nostrates, mollioris ingenii impetu ducti, mortuam quandam poesim exeruerunt, quam in quod genus titulumve artis poeticae referant, quibus critici adhuc incerti sunt.

Haec de definitione in universum dicenda fuerit. Nulla vero esse potest de artis ingenive principatu controversia. Ingenii arte carens opus optimi formam non habet nulloque modo eodem est loco habendum, quo conjunctum utrumque; tamen, ut profectum ab humana hominum animos tangit, ad se trahit, movet tenetque. Illud autem sine ingenio sola ab arte profectum genus ut auribus placeat, imaginibus venustis referta sit, verborum elegantia renideat; tamen frigus mentibus expellere nullis suis deliciis valet. Idem accidit, ubi versificatores, sentiendi expertes movendique animos ignari, omne litterarum flumen effundunt totamque silvam praedaturi pervagantur. Nimia quoque rerum subtilitas, argutiae sententiaeque ex abdito erutae abhorrent a poesi, quae, nisi inest in ea caro, sanguis, colores vivi nervique, nullo sane loco habenda est. Cave, ne in montibus errantem; neve in antris occultum quendam Apollinem quaeras; inest mentibus ipsis. Olim putatum est, esse poetas deorum interpretes vatesque divinitus missos, qui, Prometheo similes, lucem de coelo raptam secum tulissent. Fuisse eosdem humanitatis primae insitores, auctores legum religionumque, regesque quasi animorum. Mihi vero poetae terrestriores esse videntur neque ego eos

de coelo lapsos crediderim, ut illos divino instinctu afflatos viros, quos vere divina mortales docuisse nobis persuasum est; sed nobis cognatos, sodales, commilitones. Nam ea est ratio omnium poetarum, qui poetae sunt jure aestimandi, ut eorum nihil sit proprium et quasi peculiare, quo cum aequalibus communicato horum animi stupore fascinati defigantur novasque opiniones, nova studia, novos appetitus in se recipiant; sed interpretis tantum loco habendus est poeta, qui id, quo aequalium animi moventur, quo se istius maxime animus fert, in quo libentissime versatur, mente sua bene complexus ingenioque usus suis coloribus proprioque habitu atque vestitu ita effingat, ut in toto spectetur corpore populi sui aetatisque facies, nervi torrique, sanguine vero per artus diffuso et tanquam pellucente. Noli putare, hac sententia a dignitate et honore poetae quidquam detractum iri. O utinam multi divitis venae poetae intellexissent, oportere primum humanum esse, tum etiam domesticum poetam. An ubi gentium poeta sine patria quidquam valuit? — Tamen ne ita me intelligito, ut oporteat poetam πολιτικόν esse, — quae ratio hodie in Sophocle ceterisque tragoediarum scriptoribus interpretandis inepte satis inducta est —; nam res civiles cadunt in rerum necessitatem, usum, communitatem, quae palaestra non poetarum, sed civium est. — Ut paucis denique dicam, ingenii vis, opportune complectens recipiensque hominum popularium ex temporis ratione studia, sua e copia naturae nihil addere conata, ea, quae accepit, ad formam decori et venusti effingit, collocat, ornat, elaborat; veluti, si quidem ex physicis imaginem repetere licet, vitrum causticum collectis in unum exiguum locum solis radiis, quum ipsum sit ignis expert, flammam excitat. —

Diu in controversiam adductum fuit multorumque et virorum et calamorum acies in ea sunt disceptatione obtusae, utrum unus Homerus Iliadem scripserit, an plures quasi conglutinaverint. Quae quidem quaestio illis tantum temporibus poni et in contentionem venire potuit, quum poetae fabularum, heronum, sacrorum deorumque fere inventores fuisse existimarentur; sed tantum profuit, ut, quantum poetae, quantum populo debeatur, inde primum dignosci coeptum sit.

Quum omnis poesis a tripartita mentis conditione fluat, tribus in rebus regnare quemlibet oportebit poetam. Primum est, ut in eo insit multa vis intelligendi percipiendique acies, sine qua dilucide, plane et apte describi quidquam non potest. Duplex huic rei materia. Pars sub adspectum sensuum veniunt; corpora, formae, imagines rerum; tum ea, quae vivunt: homines, hominum naturae, virtutes, vitia, mores atque ingenia, quibus omnibus vita efficitur. Horum erit ille accuratus pictor, verus sincerusque narrator. Quae pingendi virtus quum desit multis poetis, ceterum bonis, in aliis ea, quae praeterae desiderantur, compensare non poterit. Intelligentia enim non in exteris tantum rebus versatur, sed rerum etiam naturam, leges, mundum, consensionem, vim insitam pernoscere et scrutari audet. Igitur poeta noster recta sanaque

sapientia erit instructus sententiisque minus doctis, quam veris, magis aptis, quam or-  
natis affluet, neque carmina frugis expertia expromet. — Sequitur, ut silvam illam  
substratam edolet, disponat, componat. In eo maxime ars valet cum subtili decori ap-  
tique iudicio, quod in delectu et elocutione fere est omne positum. Formae sunt va-  
riae: sublime, pulcrum, bellum concinnumque, horridum, severum, ridiculum; ille, de-  
cori semper secutus rationem, suo quidque loco collocabit. Magna autem ad hanc  
rem prudentia opus est, ne ultra recti normam ipse effluat neve venustates quaesitae,  
concinnitas elaborata, delectationis quoddam aucupium manifesto deprehendantur. Omne  
enim, quod facti conglutinatique prae se speciem fert, fastidium movet atque mole-  
stum est. Sed illis, quanquam poeta perfectus et summus non efficitur, laus tamen ali-  
qua continetur.

Deinde humanae menti inest quaedam mollitudo, quae partim occasionibus in  
praesentia movetur, instar chordarum digito pulsarum, partim stabilis atque aequalis  
impulsionibus extrinsecus oblatis tangitur et amat fugitve; occasionibus, ut amor, lae-  
titia, exultatio, ira, maeror, dolor; illa vero constans, cunctis mortalibus simul insita,  
omnes, quae sunt inter homines societatis, necessitatis, amicitiae, honestatis, fidelitatis,  
religionum denique rationes, comprehendit. Et haecce in poetis a populo desiderantur,  
sed ita, ut in his sui ipsius imaginem quasi speculo redditam conspicitur. Sed neque  
hac, quam attingi, virtute perfectus poeta existit; immo ista animi mollitudo facile in  
pravitatem vertitur, et, nullo temperante, inmissis habenis praeceps fertur, ut pruden-  
tissimus quisque de via quam properantissime decedat.

Tertium denique, quod poetam habere postulamus, est vis movendi; quae nisi  
inest, nullum est absolutum perfectumque poema. In ea enim spiritus et calor omnis;  
adine — languebunt tepebuntque cuncta. Vigor autem omnis est aut in cupiditatibus,  
ut sunt amor, irae, superbia, ambitio, principatus cupido, aut in moribus, qui virtute,  
fortitudine, patriae gloriaeque amore, severitate et duritate aliisque hominum similibus  
continentur. Nam et haec vis animi, quae homines ad agendum conandumque compel-  
lit, duplici ratione cernitur, ut sit aut mora quaedam temporibus perturbatio, cum pu-  
gnant inter se cupido sanumque consilium, aut is animi habitus, qui cum annis inolevit  
et, a naturae indole profectus, *χαράκη* apud Graecos dicitur. Sed haec regio actionum  
humanarum quam latissime patet: nam diversa sunt inter homines vitae genera, stu-  
dia, aetates, mores, ingenia, rerum civilium privatarumque status, cultus atque huma-  
nitas. Harum autem rerum non pector solum perfectus noster poeta erit, ut silvarum  
agrorumque, sed effector etiam atque concitator, qui nostro in animo easdem ingenii  
virtutes, motus sensusque honestos atque ingenuos, qui aguntur, quasi consensu natu-  
rae simul cooriri, concieri, haerere totosque nos capere jubeat; qui idem eandem, ac  
in personis, contrariorum pugnam, cupidinum aestus, consilii melioris quasi imperato-

riam artem et auctoritatem in nobis excitet; qui nos faciat dolere, poenitere, angi et cruciari aut sperare, vincere, exsultare; ita, ut eadem, quae aut in scena aut in campo aut in domo fit actio, nostris in mentibus, non cogitatione solum, neque aegritudinis tantum aut laetitiae societate, sed reapse primis illis appetendi agendique clementis motibusque, quibus illa ipsa continetur et ad effectum adducitur, vera effigie repetatur. Hac ipsa re illud existit, quo animi moventur; haec arte sola simulari, efformari, sub aspectum poni nequeunt, additis quibuslibet orationis ornamentis atque luminibus. Veluti enim sanguis per artus corporum fuena, quamquam oculis clare non cernitur, tamen, quum corpus alat vitamque et vires ministret, tum interlucens coloris modo rubentioris inodo pallentioris suavissimam efficit varietatem; ita in poematis esse aliquid oportet, quo illa vigeant, vireant, caleant spirentque, tum moveant, incedant, inflamment, rapiunt, impellantque quoslibet animorum affectus, sed ita, ut poeta non praeceps feratur, sed vis\*) quae ipse moderator non arbitrio, sed consilio animos compellat, flectat, perturbet, et perturbatos incensosque delectat, sedet, revocet ad tranquillitatem. Haec fere est illa, quam Aristoteles primus agnovit, παιημάτων καθαῖσις, quam quidem ille misericordia et metu efficit quum velit, eo a veritate paullum aberravit, quod ἐλεῖν dixit ὑπὸ ὀργῆς ἁπλῆς universa, quam supra descripsimus, et φόβον separavit, qui est ex ordine ceterorum affectuum, qui tragoedia excitantur.

Generatim hoc est poesis munus, ut descendens in peccata hominum veluti reditu quodam facta benignè excipitur, ipsa hominem secum evenat, allevet, tollat e sordibus vitae quotidianae. Itaque in poeta bono nostra mens se ipsam agnoscit, qualis sit, nec non sensim meliora percipiendo atque in meliorem salutemque vertendo — nam inter vitae communis commercia, angustias, similitates, curas minutas et sollicitudines optima pars ingenii saepissime corrumpitur atque tubescit: — tanquam emendatur, excolitur, perficitur, respuensque quaevis illiberalia ad se ipsam refertur. — Haec autem tria, quae enumeravimus, in quovis poeta simul esse oportet, ita vero, ut aliud in alio aut plenius, aut acrius aut celerius sit, nullum autem, quum una re multum valeat, ceterae prorsus deficient. Quo autem in genere optimus velit esse, ipse videat; illud tenendum est, sive docendo, sive delectando, sive movendo major sit, unum sine altero esse nullo modo posse; primum illud necessarium in omni re esse; alterum autem minus quam tertium postulari; cunctis denique effici egregium et perfectum in suo genere poetam. Hancine nos, spectatores, auditores, lectores, iudicii normam secuti sententias ferimus de carminibus, memores quidem, aliud in alio genere potius esse, decere, expectari. Quid in quoque deceat, aestimanti videndum est; quid plurimum valeat, animo sentimus.

\*) Sit venia huic genitivo, qui est in dialogo de orationibus (c. 26), quem Taciti esse lubentissime concesserim.



Ab his pœsis principiis genera carminum profecta sunt ea ratione, ut in eo, quod primum antiquitus ortum est, genere ceterorum initia et quasi semina laterent, quae, non inde divulsa et sejuncta quasi secessione facta colonias constituerint, sed, ut alia translatione utar, tanquam e matris gremio in lucem sint edita, cum facie et indole parentum, tamen inter se varia, vultu et moribus disparia, quae est ratio infantium.

Traditum est enim (atque ita ferebat natura), existisse primum illud carminum genus, quo facta hominum memoriae traderentur; at omnis carminum epicorum gratia non continetur factis solum brachiorumque pedumque motibus, casibus, miraculis, caedibus, quae subjecta sunt curiositati, sed noscendo virorum fortium, veterum regum, gentium auctorum ipsos animos, virtutes, spiritus generosos, studia, amores, dolores, iras, amicitias. Quae quum agendo cernantur, tum magis etiam colloquendo perspicua fiunt; unde intelligitur, sermones multos interjici non fuisse cujusdam epicae, quae dicitur, verborum, sed necessitatis ab ipsa re profectae. Sic apud nostros plurimae narrationes, quae colloquiis cum ipso fabularum argumento fluentibus careant, admodum frigere mihi videntur. — Sed quum rerum ab heroicis, tragicarum narrationes, quae paucis iisdemque simplicibus antiquorum affectionibus effectae sunt, temporibus antiquissimis primaeque humanitatis aetati responderent, reliquum illi, ut cetera quoque ab hominibus facta imitatione poetarum efformarentur. Nam ut heroicam admirationem, qua totus epicum carminis effunditur, fere continetur, ad eam spectet mentis rationem, quam acriorem et vehementiorem supra diximus, supererat, ut aut molliore atque candidiore animo, aut hilari et festivo hominum facta aut praeterita fingendo, aut praesentia describendo notandoque reserentur. Inde et bucolicum carmen initium cepit, quod apud veteres quoque non solum pastorali fistula decantatum fuit, et duplex illud genus, quod, quum subest argumentum fabulae, narratio comica, quum morum varia personis descriptio, satira vocatur. —

His tribus, tria fabularum scenicarum genera ita respondent, ut tragoedia propinqua sit carmini epico, comoedia duplici illi tertio generi, alteri autem, in quo potior est morum animorumque simplicitas, tranquillitas, innocentia, illud fabularum genus, quod veteres nec nomine neque usu receperunt, apud nos magna autem olim gratia valuit. At epicum dramaticumque genus uno nomine comprehendendum videtur, non quasi idem sit eorum habitus, usus, constitutio, sed quod eadem natura est. Si in rebus gestis narrari satis est, in hac materia omnium animi motuum, quibus consilia, facinora, conatus, scelera, beneficia, fraudes dolique pariuntur, quum sermones alterni et meditationes primum locum obtinerent, in actionem et gesticulationem abire factorum narrationem ipsa rei natura postulavit. —

Generis lyrici, cujus tam multae sunt species, sed a formis potius quam a re nominatae, similis fere est in tria divisio; sed ipsum profectum est a molliore illo

mentis humanae habitu, de quo supra dixi. Dignae sunt, prout vehementiores aut sedatiores sunt animi motus. In aliis cernitur severitas quaedam et sublimitas, ut in hymnis, carminibus patriae amore incitatis, nec non acerbitas in iambis epodisque. In aliis omnis est animorum fervor, amor, laetitia, dolor, querimonia, et quaecunque pectus humanum movent. Est autem tertium quoque genus carminum, tenue quidem et a sublimitate pariter atque a mollitudine remotum, quod hilaritatis quandam prae se fert speciem, maxime cantando aptum, in quo jucunditas securitasque vitae potissimum cernitur et effertur. Cujus generis sunt plurimae Horatii odae. — Denique a prima illa humanae mentis vi intelligendi atque percipiendi profectum est tertium poesis genus, quod aut sententiarum veritate, pulchritudine, elegantia, facetiis et lepore delectat, aut varia hominum negotia curasque, in quibus animorum motibus locus non datur, vivis coloribus depingit, aut rerum naturam mundique consensum aperit sapientiamque docet et recte beneque vivendi artem, ita ut in hoc quoque genere triplex illa mentis humanae vis ipsa cernatur.

Quae latius explanando quum neque tempus neque locus darentur, hoc unum addendum esse putavi, hanc triplicem partitionem, a rerum natura profectam, non solum in reliquis orationis humanae generibus locum habere, sed in iis etiam artibus, quae manibus exercentur. Neque prius artium doctrina ab omni parte perfecta fore mihi videtur, quam uniuscujusque et varietatum et similitudinum quum in toto corpore tum in artibus singulis universitas fuerit cognita et constituta. —

## II.

### De origine vocis Edepol.

**V**idetur mihi paulum durior hujus vocis originatio facta esse a grammaticis, qui eam coaluisse in unum ex tribus verborum fragmentis, quae esse volunt me — deus — Pol, arbitrentur, ita ut praecisa littera **m** pronominis audiatur etiam, juvet sive juva. Cui interpretationi quum usus verbi quidem atque potestas conveniant, tamen nec tot verba mutilare mutilataque copulare latinum est, neque, id quod maxime illorum interpretationi contrarium est, simplicia verba, sicuti me, ita capitis temere damnantur, ut non nisi truncum aliquod atque obscurum restet, cujus significatio vix intelligi possit. Tum otiosa esse videtur addita in obtestandi formula divinitatis nota. Denique si legeretur quoque me **edepol** vel me **edecastor**, uti dicitur me **castor** et me **hercule**, non esset quidem improbanda grammaticorum ista ratio, cujus similitudo exstat nulla.

Ut ad fontem nostrae vocis perveniamus, illud primum tenendum est, origines verborum ita duci non posse, ut eorum tantum habeatur ratio, quae praesenti auctoritate valeant usuque quotidiano sint recepta. Neque solum ad ora majorum priskasque litterarum reliquias ascendendum est, sed etiam ab oratione forensi bibliopolarumque tabernis in casas illiberales descendi, ab urbe in rus migrari oportet. Miro enim quodam modo fit, ut, quem admodum sunt inter homines varii ordines dignitatisque gradus, eadem fere conditio cernatur vocabulorum. Sunt alia quasi nobilia, alia plebeja, utraque vero vel gentilia vel ab eodem patre prognata; illa apud cives ingenuos scriptoresque elegantes recepta, haec vulgari tantum sermone trita; illa urbana, haec rustica. Saepe usu venit, ut verborum idem primitus significantium alterum quasi in honore ac pretio sit, alterum in turpioris cujusdam rei significationem abierit, ut inter homines liberales vix audiatur. In eodem populo vigent valentque sermo urbanus et sermo rusticus; inter quos medius est plebejus ille, qui ab illo urbano sermone non tam vocabulis ipsis,

quam corrupta et quasi mutilata horum forma facieque, et minus honesta oratione diversus est. Jam sermonis urbani est perspicuitas, elegantia, numerus, pulchra verborum dispositio, unde, ut unum afferam, fluxit mira illa in oratione latina comprehensio verborum, qua, instar aedificii omnibus partibus congruentis et proportionis structi, universus sententiarum ambitus ad formam pulchritudinis aptus atque formatus est, ita ut verba ab initio ad finem usque aequae canora ac dilucida ferantur nec non enuntiatorum inter se auctoritas et conditio verborum dispositione effingatur. Alia sermonis rustici ratio est. Qui composita verba non amat, sed simplicia; sententiarum arte factam comprehensionem odit et singula distracta quam maxime laxis vinculis nectit. At in vocabulis significationibusque rerum multo nervosior et distinctior, in coloribus acrior, in jocis aculeatior est; idemque copia verborum inexhaustus. His rebus mutua quaedam inter utrumque sermonem conditio facta est, qui, quum contrarii sint et in diversas partes abeant, tamen alter ex alterius castris transfugas quosdam arcessere solent. Maxime sermo urbanus de illo vocabula transfert, distincte et torose dicta mutuatur, informia de illo sumata formosiora atque elegantiora reddit.

Ab hoc sermone rustico, quem apud Latinos quoque fuisse constat, illae linguae originem duxere, qua nunc Itali, Galli, Hispani utuntur. Unde intelligitur, omnem, quae apud hos exstat, materiam vocabulorum, si cum sermone optimo latino, qualem apud elegantes scriptores legimus, comparetur, neque significationibus origini respondere, neque sonis ipsis similia in isto reperiri. Eius rei causa est, quod in sermone rustico Latinorum plurima verba existere, quae in urbano aut civitatem non adepta sunt, aut forte tantum dicta reperiuntur, aut reperta mala nota designata sunt, aut aetatis, quae dicitur, deterioris fuere. Saepissime apud recentes illos populos vox aliqua summa auctoritate gaudet magnaque familiae origo est, cujus vix quandam cognationem aut ulla vestigia apud Latinos invenies. Alia est ratio, quum id verbum, quod apud illos honestum est, apud Latinos vulgare aliquod, aut sordidum, aut humile significat. Ita vero fit, ut in lexicis latinis invenias verba, quorum nullam esse in eadem lingua gentem familiarique mireris. Quod maxime in nominibus propriis usu venit. Contra in illorum lingua plurimarum rerum, corporis partium, temporis spatiique notionum, rerum domesticarum, saepissime factorum nomina latina esse non putabis, ita saepe, ut e contrariis quum alterum latinum sit, alterum prorsus alienum sonet. Tamen latina sunt, quanquam apud scriptores non leguntur. Sunt enim cuncta ejusdem sermonis rustici, quo patre Gallorum, Hispanorum, Italicorum recentes linguae prognatae sunt. Quod maxime ea re probatur, quod, si quod in his verbum alienum a sermone latino esse videtur, tamen in tribus illis fere similiter sonet, ut aut ausonicum, aut celticum, aut ibericum esse conjici prorsus non possit.

De his quum in universum satis dictum esse videatur, redeamus ad proposi-

tam nostram originationem. Altera vocis pars quum per se intelligatur, alterius quaerenda est origo. Est apud Gallos *aidier*, cui apud Italos respondet *aitare*, utraque juvandi quidem potestate, nec tamen hinc vel ab adjuvando derivata; nam hoc italice est *ajutare*. Primum, quod rationem scribendi attinet, legi quoque a *edepol* grammatici perhibent. At, quum plurimae voces latinae, quarum prima littera *ae* fuit, apud Gallos in *é* abierint, nonnullae tamen *ai*, similiore pronuntiatione, formaverunt, veluti *aigre*, *airain*, ductae ab *aeger*, *aereus*. In lingua itala *aitare* fere unicum est verbum, cujus primae litterae *ai* audiantur; idemque rarissimum atque obsoletum. Neque raro factum est, ut alterius linguae *d* altera in lingua in *t* mutatum sit.\*) Denique diversae infinitivi formae illarum vocum vim exceptionis non habent, quum saepius latini Verborum exitus modo in itala, modo in gallica lingua, ex lege varietatis, in contrarios abierint; cujus exempla quum satis nota sint, affero tantum: *faillir*, *recevoir*, *boir*, *conquerir*. Quae tamen ut ita sint, *ais*, evincere non poteris, vocis *aidier* originem praeter hanc conjecturam in lingua latina reperiri posse. Immo, noli putare, hujus vocis abditas quasi radices vel gentem familiamque me esse perscrutaturum. Cujus operae quum pretium futurum non sit, hanc illis permiserim, qui sint in enodandis verborum primis elementis sagaciores. Unum tantum addo, quo probem, fieri potuisse, ut praeter hanc voci *Edepol* junctam formam verbi cujusdam *AED* in sermone urbano ejusdem cognationis nihil superstitisse. Cognita enim res est, nostram vocem legi potissimum apud poetas comicos veteres; accedit, quod et *Edepol* et *Ecastor* a mulieribus potissimum usurpata fuisse a grammaticis traduntur. Quod autem non ad religionis alicujus rationem referendum censeo, sed eo intelligi volo, quod apud mulieres, utpote a rebus publicis, litteris, commercio virorum, circulis hominum doctorum exclusas, prima vetustas verborum potissimum conservabatur. Nescio quo fere loco Cicero dicit, si audiret quendam matronam, sibi videri proavum ejus audire vociferantem.

Jam vero exempla proferenda videntur eorum, quae supra de sermonis urbani et rustici apud Latinos ratione disputavi, non quasi ignota essent, sed ut probabilius fiat, *Edepol* quoque ex eorum vocabulorum numero esse, quae apud Latinos obsoleta et quasi extincta in recentioribus linguis servata audiantur.

In his quasi majorem dignitatem accepere *casa*, *caballus*, *testa*, *bucca*, unde italice *casa*, *caballo*, *testa*, *bocca*, galliae *chaise*, *cheval*, *tête*, *bouche* flectuntur, sed ea notionis mutatione, ut illa verba, quamvis non ignobilia tamen a quadam inhonesti significatione non aliena essent, nunc, deletis earundem rerum latinis nominibus, honesta quasi facta sint. Pariter *gamba* latine de pecore tan-

\*) Sic *peton*, *pieton*, *pieter* e *pes*, *pedis* formata sunt.

tum dicitur; apud illos *giamba*, *jambe* generatim. Verbi *circus* vis atque potestas e genere ad singularis loci significationem descendit, tamen in veteribus glossis servata leguntur *circare*, *circitor*, quae apud elegantes scriptores non reperiuntur; (figurae vero significationem habet *circulus*, instrumenti *circinus*); ecce autem apud illos simplicem verbi formam revocata in *cercare*, *chercher*, mutata quidem circueundi notione in vim quaerendi. *Caminus* quoque e generali in singularem significationem coactum est. Illam invenies in italica *camminare*, gallico *cheminer*, quae valent ire; ac quo magis eluceat, ejusdem verba originis notionisque fuisse, Galli formaverunt illam, qua saepius utuntur, varietatem: *chemin via*, *cheminée* *caminus*. — Syllabae *ee*, quae vocibus affigitur, quum praecipuus multiplex que usus apud comicos fuerit, apud recentes conditio mutata est, ut quasi suae potestatis verbum factum sit. —

Est stirps quaedam, si ita dici licet, in vocibus *paene* et *penuria*, quae defectionem aliquam significant: sed illa, quae apud Latinos obscurior latuit, illic libertatem nacta *pena* et *peine* ejusdem noctionis nomina formavit. Solum et quasi desertum est verbum *campus* neque ullum latinum verbum reperies, quod sit ejusdem gentis. Sed, quae in illo latuit aperti planique significatio, recepta est voce italica *campare*, quae valet liberare; nec non, quae vox apud Gallos *ferias ludorum publicorum* significat, *campos*, eodem revocanda esse videtur. Pari modo *talea*, quae partis alicujus desectae vim habet, quum ejusdem originis alia apud Latinos vox non exstet, apud recentes fines dilatavit interque gentes verborum recepta est. Inde enim flexa sunt *tagliare* et *tailler* cum eadem principali significatione. Similis fere est ratio vocis *culpa*, quae alicujus delicti aut omissionis notione continetur. At eadem vox, quae animi quandam maculam significat, videtur initio aliquod sensibus subjectum declaravisse, ut esset turpis quaedam plagae inflictae nota. Inde primum in vim noxae maculaeque abiit, tum vero causam reprehensionis significavit. Vera autem et propria hujus verbi vis servata est in voce italica *colpo* et gallica *coup*, quae ictum significant. Neque haec originatio dubia fieri potest, quod apud Gallos *coulpe* quoque auditur cum integra culpae notione. Immo hac re magis etiam probatur, utramque illam vocis significationem, sermonis rustici alteram, alteram urbani, simul usque viguisse, tamen ut utriusque cognatio non sentiretur. Eodem pertinet *hostis*, cujus significationem pristinam ab *hostis* non diversam fuisse Cicero tradidit. Reperitur autem haec in italico *osteria*, gallico *hôte*; *hospes* autem mansit in *hospice*, nec non, una littera amissa, in *hôpital*. — *Batuare* rei gladiatoriae proprium fuisse videtur, ita ut ictum inferre valeret; apud bonos scriptores non proprie dicitur, nisi vis locum Suetonii afferre (in vita Caligulae), ubi, non sine quodam contemptu, ad imperatoris exercitia male honesta transfertur. Idem apud Plau-

tum legitur. *Batualia* quoque, *Cassiodoro* auctore, *exercitationes* militum vel *gladiatorum* nominabantur. Inde *adoleverunt* postea *bataglia*, *bataille*, *battare*, *battre*, quum ejusdem notionis latina nomina in illis linguis cuncta perierint.

Nominum propriorum latinorum cognata et quasi gentilia verba quum saepissime eadem in lingua non reperiuntur, ducta ab eadem origine in recentibus illis linguis audiuntur. Veluti, qui apud Ciceronis aequales *malleus* dicebatur, dictus est apud posteriores *marculus* sive *martulus*, quod videtur esse flexum de *Marcus*, qua eadem forma *Isidorus* pro *mallei* utitur. Apud Gallos autem olim *Martel* auditum fuit, hodie *marteau* auditur. Dein in nomine *Cassii* et *cassium* ea mihi videtur notio subesse, quae gallico *chasser* continetur, praesertim quum *chasser* per se valeat agere, pellere, exitare, id quod ei venationis generi bene respondet, cui *cassium* usus adhibetur. *Cajus*, quod *Gajus* pronuntiatum est, alienum quidem est a *Plautino* verbo *cajare*, unde descendisse putes *cahot*, *cahoter* — cum simili percutiendi significatione —, sed reperitur in gallico *gai* = *laetus*; qua verbi *Cajus* potestate notus ille nuptiarum mos optime intelligitur. — Mirum est, quum altitudinis notio et in itala et in gallica lingua vocabulo latino reddatur, *profundi* nomen — *basso*, *bas* — prorsus alienum sonare. Quia propter assentiarum grammaticis, qui *Bassi* et *Bassuli* (*bassuli*) nomina, ducta a graeco *βαθύς* (*βάσσω*) *profundi* *humilisve* significatione interpretantur. Omnino nomina propria, antiquitus formata, quum cognata primitus vocabula aut tempore perierint aut in sermonem rusticum niigraverint, magnam partem, si quis enodando et comparando operam dare volet, in illis recentibus linguis aut sonis prorsus similia aut varie mutata flexaque reperiri poterunt.

Habes meam de vocis *Edepol* origine opinionem, quam quidem ab argumenti auctoritate tantum distare concesserim, quanto sit difficilius, inter gyros et Maeandros artis etymologicae cavere, ne forte similitudine quadam inducti aut praecipites aut transversi agamur.

### Errata.

In quibusdam exemplaribus corrigenda restant:

- p. 3 l. 15 quo minus pro quominus.
- „ 4 l. 17 religio pro regio.
- „ 4 l. 25 quarum pro quorum.
- „ 4 l. 26 subjectae pro subjecta.

Esse potest, ut in paucis talamum effugerint bonum, bouum, bovum, p. 2. pro quibus bouum legendum.